

《佛說溫室洗浴眾僧經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 16, No. 701

No. 701

佛說溫室洗浴眾僧經

後漢安息三藏安世高譯

阿難曰。吾從佛聞如是。一時佛在摩竭國因沙崛山中。王舍城內。有大長者。奈女之子。名曰耆域。為大醫王。療治眾病。少小好學。才藝過通。智達五經。天文地理。其所治者。莫不除愈。死者更生。喪車得還。其德甚多。不可具陳。八國宗仰。見者歡喜

於是耆域。夜歎生念。明至佛所。當問我疑。晨旦勅家大小眷屬。嚴至佛所。到精舍門。見佛炳然。光照天地。眾坐四輩。數千萬人。佛為說法。一心靜聽。耆域眷屬。下車直進。為佛作禮。各坐一面

佛慰勞曰。善來醫王。欲有所問。莫得疑難。耆域長跪白佛言。雖得生世。為人疎野。隨俗眾流。未曾為福。今欲請佛及諸眾僧菩薩大士。入溫室澡浴。願令眾生長夜清淨穢垢消除不遭眾患。唯佛聖旨。不忽所願

佛告醫王。善哉妙意。治眾人病。皆蒙除愈。遠近慶賴。莫不歡喜。今復請佛及諸眾僧。入溫室洗浴。願及十方眾藥療病。洗浴除垢。其福無量。一心諦聽。吾當為汝先說澡浴眾僧反報之福。佛告耆域。澡浴之法。當用七物除去七病。得七福報。何謂七物。一者然火。二者淨水。三者澡豆。四者蘇膏。五者淳灰。六者楊枝。七者內衣。此是澡浴之法。何謂除去七病。一者四大安隱。二者除風病。三者除濕痺。四者除寒水。五者除熱氣。六者除垢穢。七者身體輕便。眼目精明。是為除去眾僧七病。如是供養。便得七福。何謂七福。一者四大無病。所生常安。勇武丁健。眾所敬仰。二者所生清淨。面目端正。塵水不著。為人所敬。三者身體常香。衣服潔淨。見者歡喜。莫不恭敬。四者肌體濡澤。威光德大。莫不敬歎。獨步無雙。五者多饒人從。拂拭塵垢。自然受福。常識宿命。六者口齒香好。方白齊平。所說教令。莫不肅用。七者所生之處。自然衣裳光飾珍寶。見者悚息

佛告耆域。作此洗浴眾僧開士。七福如是。從此因緣。或為人臣。或為帝王。或為日月四天神王。或為帝釋轉輪聖王。或生梵天。受福難量。或為菩薩。發意持地。功成志就。遂致作佛。斯之因緣。供養眾僧。無量福田。旱澇不傷。於是世尊。重為耆域。而作頌曰

觀諸三界中
道德無限量
夫人生處世
體性常清淨
若為大臣子
勇健忠賢良
所說人奉用
端正色從容
若生天王家
洗浴以香湯
形體與眾異
斯造溫室浴
第一四天王
光明身端正
日月及星宿
斯由洗眾僧
第二忉利天
六重之寶城
勇猛天中尊
斯由洗眾僧
世間轉輪王
周行四海外
明寶照晝夜
端正身香潔
第六化應天
天相光影足
自然食甘露
眾德難稱譽
梵魔三鉢天
行淨無垢穢
梵行修潔己
得生彼天中
佛為三界尊
積行無數劫
金體玉為瓔

天人受景福
諦聽次說之
端正人所敬
斯由洗眾僧
財富常吉安
出入無罣礙
身體常香潔
斯由洗眾僧
生即常潔淨
苾芴以熏身
見者莫不欣
洗僧之福報
典領四方域
威德護四鎮
光照除陰冥
福報如影響
帝釋名曰因
七寶為宮殿
端正壽延長
其報無等倫
七寶導在前
兵馬八萬四
玉女隨時供
斯由洗眾僧
欲界中獨尊
威靈震六天
妓女常在邊
斯由洗眾僧
淨居修自然
又無女人形
志淳在泥洹
斯由洗眾僧
修道甚苦勤
今乃得道真
塵垢不著身

圓光相具足 斯由洗眾僧
諸佛從行得 種種不勞勤
所施三界人 無所不周遍
眾僧之聖尊 四道良福田
道德從中出 是行最妙真

佛說偈已。重告耆域。觀彼三界。人天品類。高下長短。福德多少。皆由先世用心不等。是以所受各異。不同如此。受諸福報。皆由洗浴聖眾得之耳。佛說經已。阿難白佛言。當何名此經。以何勸誨之

佛告阿難。此經名曰溫室洗浴眾僧經。諸佛所說。非我獨造。行者得度。非神授與。求清淨福。自當奉行。佛說是經竟。耆域眷屬。聞經歡喜。皆得須陀洹道。禮佛求退。嚴辦洗具。眾坐大小。各得道迹。皆共稽首。禮佛而去